



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt XIX.

urn:nbn:de:hbz:466:1-15617

monasterii regni prædicti, si super provisione ipsorum duratura discordia oriatur, iudicem Barones & alij Barones prætextu guardiae seu advocationis ad bonorum temporalium eorundem custodiam difficiatores & consumptores deputant, non custodes, in enormem Ecclesiarum & monasteriorum spem lesionem. Feruntur etiam quidam esse Ballivi, Præpositi, & officiales eorum, qui multo carius solito sua emunt officia, spem damnabilis lucri ponentes in servitiis seu exactionibus que ab Ecclesiis, hominibus earum, & personis ecclesiasticis extorquent quodammodo violenter, dum ratione guardiae seu advocationis hujusmodi eorum nomine, à quibus hujusmodi emunt officia, ecclesiastica bona capiunt, vel capi mandant aliquando eo tempore, agricultura videlicet, messum, ac vindemiarum, quo eisdem majora dama noscantur, et si vexationem suam ab ipsis redimant, imminete. Super quibus præfata Ecclesia apostolicum petuit remedium adhiberi. Quocirca fraternitatibus vestris per apostolica scripta mandamus quatinus præfatos Barones, Ballivos, Præpositos, officiales, & alios Narbonensis provincie, quotiens opus fuerit, ut ab hujusmodi Ecclesiarum & ecclesiasticorum personatum gravaminibus conqueant, attente monere ac efficaciter inducere studeatis: & si ad monita fuerint pertinaces, ipsos super iis per excommunicationem in personas & interdicendum in terras eorum, appellatione remota, veritate per vos vel per alios cogniti, compescatis. Non obstante si eisdem à sede apostolica sit indulxum quod excommunicari nequeant vel eorum terræ ecclesiastico subjici interdicto absque speciali sedis ejusdem mandato plenam vel exprellam seu de verbo ad verbum faciente de indulto hujusmodi mentionem, sive constitutione de duabus dictis edita in Concilio generali, aut statuto Concilij Lugdunensis de aliquibus per generalem clausulam *Quidam alij ultra tres vel quatuor auctoritate literarum nostrarum in judicium non trahendis.* Nam cum privilegia mereantur amittere abusores eisdem, ecclesiastica immunitatis eversoribus, qui minus disciplinalis disciplina meritos patientur aculeos, nulla volumus privilegia vel indulgentias seu constitutionis beneficia suffragari. Quod si non ambo iis exequendis potueritis vel nolueritis interesse, alter veltrum, non expectato reliquo, ea nihilominus exequatur. Datum Perusij viii. Kal. Augusti, pontificatus nostri anno decimo.

*Concil. Lugduni.
fus Janu. 4. c. 1.*

CLEMENS Episcopus servus servorum Dei venerabili fratri Episcopo Bitterensi salutem & apostolicam benedictionem. Significavit nobis venerabilis frater noster Episcopus Tolosanensis quod cum fama volante in illis partibus mendaciter diceretur quod ipse viam fuerat universæ carnis ingressus, Vicarius in Tolosa dilecti filij nobilis vii Comitis Tolosæ, prætextu regalium quæ in bonis episcopatus Tolosanensis eidem Comiti indebet vendicare contendit, domos, bona, & cameras episcopales temerario austu intrare ac bona ipsius Episcopi ibidem inventa nequiter occupare presumpsit, certis tandem custodibus ad præmissorum domorum, bonorum, & camerarum custodiam deputatis. Verum cum hujusmodi præsumptionis excessus adeo esset notiorius quod nulla posset tergiversatione celati, Officialis Tolosanensis in dictum Vicarium & omnes dantes ei super hoc auxilium & favorem, canonica monitione præmissa, excommunicationis sententiam exigente

te justitia promulgavit. Quare dictus Episcopus nobis humiliter supplicavit ut sententiam ipsam robur faceremus firmitatis debitum obtinere. Quocirca fraternitati tuae per apostolica scripta mandamus quatenus sententiam ipsam, sicut rationabiliter est prolatâ, facias auctoritate nostra usque ad satisfactiōnem condignam appellatione remota inviolabilitatem observari. Datum Viterbiij xiiii. Kalendas Novembris, pontificatus nostri anno tertio.

CAP V T XIX.

Synopsis.

I. *Principibus dein permisso est usus fructus reddituum Ecclesie vacantis. Inquiritur in causas hujus innovationis facta adversus canones. Profectum id ex collatione feudorum. Explicantur iura feudorum.*

II. *Primus omnium Clodovens Rex iura regia continuit Ecclesias. Beneficis quoque in Ecclesias fuit Rex Pippinus. Prudens Caroli magni consilium in distribuendis feudis in gratiam Episcoporum. Affluentia donationum orta est ex liberalitate Episcoporum, qui de antique penitentia rigore pro modo liberalitatis remittebant in eorum gratiam qui liberales erant erga Ecclesias.*

III. *Ius illud Principibus questum in bona ecclesiastica ex conditione feudorum, ancum deinde fuit ob necessitatem affensus regi in electionibus Episcoporum. Quæ consuetudo introducta à Concilio quinto Aurelianensi, vires accepit ab edito Clorarij secundi.*

IV. *Reges nostri in Præceptis suis episcopalem dignitatem committebant electis.*

V. *Hincmarus recte explicat quod referenda sit illa Principum concessio. Illam enim intellexi de afferentia regis & de administratione facultatum Ecclesie quam Rex committebat electo.*

VI. *Concessio illa bonorum ecclesiasticorum, & consensus electioni adhibitus, explicantur. vocabulis laudandi & invictandi in decreto Hadriani primi in synodo Romana facto, quod decretum esse suppositionem affirmant viri eruditissimi.*

VII. *Refellitur Baroni, qui existimavit leges Capitularium derogare huic concessione & investituram. Investitura feudorum siebant cum quadam solemnitate, veluti per festinum, per ramos arborum, & alia similia. Concessio vero episcopatus siebant per annulum & baculum.*

VIII. *Sanctus Romanus Rothomagensis Episcopus in pontificis sece institutus est post acceptum à Clodoveo secundo baculum pastoralem. Probabile est ita à sequentibus Regibus usurpatum. Idipsum usurpabatur à Regibus Anglie.*

X. *Gregorius septimus ferre non potuit hanc investituram usum. Itaque cum prohibuit in variis Conciliis. Primus autem omnium, ut adnotat Vuldeinus Malmeburiensis, Episcopos excommunicavit, si investituram à laicis acciperent per baculum & annulum. Tum laicos etiam excommunicat si eam concedere presumperint.*

XI. *Inquiritur in causas hujus prohibitions.*

XII. *Spreta tamen hac prohibitione Principes retinuerunt usum investiturarum.*

XIII. *Nam iussa illa Gregorij efficer non poterunt ut Reges antiqua maiestatis privilegia abolerirent. Ac præterea repugnabant Episcopi hanc novitatem.*

& Imperij Lib. VIII. Cap XIX. 425

novitati. Probatur ex Uvaliramo Episcopo Naumburgensi, illorum temporum scriptore.

XIII. Eam prohibitionem renovavit Urbanus secundus laudabilis tamen adhibito temperamento inter abruptam pervicaciam & deformem obsequium.

XIV. Explicatum temperamentum illud adductum verbis Iovonis Episcopi Carnotensis. Invatetur explicatio ex fallo Paschalisi secundi, qui Ludovici Francorum Regis presidium imploravit adversus Henricum quinum Imperatorem investituras acriter retinemem.

I. T A Q U E permisus est deinceps Principibus ususfructus redditum Ecclesiae vacantis, contrà quām prisca regulae statuerant; ut in capite superiori diximus. Si quis verò inquirat in causas tam magnae immutationis, is reperiet eam esse profectam ex immutatione quæ facta est in conditione & qualitate bonorum ab Ecclesia possessorum. Quemadmodum enim in republica quoddam bonorum genus extat quod vulgo feudum vocant, incognitum Romano Iuri, ideoque novis constitutionibus & antiquarum legum dispositioni contrariis inductum, sic, cùm Ecclesia Regum beneficio donata fuissent bonis hujuscemodi, necessarium prorsus fuit ut illæ possiderent feuda iis conditionibus quas in prima feudorum origine invexit publica utilitas. Ergo personæ ecclesiasticae quæ feuda possidebant, per consequentiam siebant vassalli Regum, illisque præstare tenebantur homagium & iuramentum fidelitatis itemque certum militum numerum juxta valorem feudorum. Præterea Regi tradere tenentur arcæ & castella quoties id Regis utilitas postulabit. Vnde sequitur necessariò Regem post obitum Episcopi, quod èo casu feudum vacet, illud ad se recipere posse ac retinere donec novus Episcopus investituram feudi receperit homagiumque ac iuramentum fidelitatis præstiterit. Interim tamen Regi competit jus quoddam fruendi redditibus, dum custodia durat.

II. Primus omnium Clodoveus Rex iura regia Ecclesiae manu liberali concessit; ut constat ex testamento sancti Remigij apud Flodoardum. Cujus exemplum imitati sunt Reges primæ stirpis. Pippinus quoque, qui secundæ stirpis auctor fuit, eandem liberalitatem exercuit, exempli causa, data Narbonensi Ecclesiae medietate comitatus Narbonensis, ut apud Carellum restatur Carolus Calvus. Beneficus quoque fuit in alias regni sui Ecclesias; quod constaret eum haud minus curasse de augendis bonis Ecclesiarum regni quam Romana, cui exarchatum Ravennæ contulerat. At Carolus magnus, ut observat Villelmus Malmesburiensis in libro quinto de gestis Regum Tom. II.

Flodoard. L. 1.
huius Rem. c. 8.

Anglorum, præter causas pietatis, motus etiam fuit ad distribuenda liberali manu bona Ecclesias ob utilitatem reipublicæ, estimans nimirum Episcopos sanctius obseruatorum fidem promissam, ac præterea, si res ita postulareret, Principem adversus rebellis adjuvatores ope feudorum datorum & excommunicationum pondere. Carolus magnus, inquit Villelmus Malmesburiensis, pro contundenda gentium illarum (id est, Germanorum) ferociæ omnes penè terras Ecclesias contulerat, consiliofissime perpendens nolle sacri ordinis homines tam facile quam laicos fidelitatem domini rejicere. Præterea si laici rebellarent, illos posse excommunicationis autoritate & potentie severitate compescere. Postiores Reges deceorum exemplo illustria feuda contulerunt Ecclesias & monasteriorum, id quod Duces & Comites imitati sunt postquam feuda facta fuerunt hereditaria. Sed tum præcipue ea liberalitas viguit quando Episcopi, in eorum gratiam qui liberales erant erga Ecclesias, de rigore antiquæ pœnitentia remitterebant pro modo liberalitatis. Quem morem ante hos sexcentos annos invaluisse docet in quadam epistola Petrus Damiani Cardinalis. *Cum à pœnitentiis terram accipimus*, inquit, *juxta mensuram munieris eis de quantitate pœnitentie relaxamus*; sicut scriptum est: *Divitie hominis, redemptio ejus.*

III. Ius illud Principibus quæsumum in bona ecclesiastica, ob conditionem feudorum, autem deinde fuit ob adjunctionem & concursum auctoritatis quam Reges Francorum à prima statim eorum stirpe possederunt, assentiendi nimirum electioni Episcoporum à clero & populo factæ, ut dein ordinari possent à Metropolitano. Consuetudo hæc introducta anno quingentesimo quadragesimo nono canone decimo Concilij quinti Aurelianensis, vires postea accepit ex edito Clotarij secundi in synodo Parisiensi deliberato anno sexcentesimo decimo quinto. Statuit enim Clotarius ut Episcopus recens electus à clero & populo, si condigna persona fuerit, à Metropolitano consecratur, postquam ita Princeps iusserit. Ac tamen sibi reservat potestatem eligendi cum consilio Episcoporum & procerum Consilij regij eos ex ministris aut Clericis palatinis quos ad episcopatum promovendos esse existimaverit. Sic enim explicanda est ultima illa clausula editi: *Si de palatio eligitur.* En ipsa verba: *Si persona condigna fuerit, per ordinationem Principis ordinetur. Vel certè si de palacio eligitur, per meritum personæ & doctrinae ordinetur.*

IV. Formulae Marculphi, itemque anti-

Vide Baroniolum sed
ann. 1055. fol. 8. 66
fol. 9.

H H h

quæ formulæ electionem Episcopatum quæ editæ sunt in tomo secundo Conciliorum Galliæ, continent verba quæ tum in usu erant quoad electiones & ordinationes Episcoporum, magnifica illa quidem pro jure Principum, sed quæ tandem gravissimos motus excitarunt in Ecclesia. Nam Rex in Præcepto suo ait committere se dignitatē episcopalem ei qui electus est: *Cum consilio & voluntate Pontificis procerūmque nostrorum, juxta voluntatem & consensum cleri & plebis ipsius civitatis, in supradicta urbe pontificalem in Dei nomine vobis commissimis dignitatem.* Tum clerus ac populus Principem orant ut eum qui electus est, instituere dignetur in episcopatu. *Postulamus, inquiunt, instituere dignemini illum virum.*

V. At Hincmarus Remensis Archiepiscopus, cui disciplinæ canonicae nota erant omnia, optimè admodum explicat quò referenda sit hæc Principis concessio. Nam si verba ejus paulò accuratiū expendantur, manifestum erit regiam in hac materia auctoritatem ad duo quædam capita porr̄etam fuisse; quorum unum in eo versabatur, ut Rex electioni consensum suum adhiberet, cāmque approbaret; aliud verò respiciebat facultates & patrimonia Ecclesiæ, quarum rerum administrationem Rex illi committebat. Hæc enim sunt verba Hincmari in epistola ad Ludovicum tertium Francorum Regem. *Episcopi talem elegant, inquit, qui & sanctæ Ecclesiæ utilis, & regno proficiens, & vobis fidelis ac devotus cooperator existat; & consentientib[us] clero & plebe, eum vobis adducant, ut secundum ministerium vestram res & facultates Ecclesiæ, quas ad defendendum & tuendum vobis Dominus commendavit, sue dispositioni committatis;* & cum consensu ac literis vestris eum ad Metropolitanum Episcopum & coëpiscopos ipsius diaœcesos, qui eum ordinare debent, transmittatis. Ex quibus verbis mirificè probatur id quod paulò antè observabamus, nimirum quodam jus novum in patrimonium ecclesiasticum Regibus quæsitus fuisse, ob necessitatem assensus regij pro ordinatione Episcopi electi, & ob naturam bonorum quibus Ecclesia fruebatur.

VI. Concessio illa bonorum ecclesiasticorum quam Rex faciebat, & consensus electioni adhibitus, explicitur vocabulis *Laudandi & investiendi* in decreto Papæ Hadriani, quod in synodo Romana decretum est in gratiam Caroli magni. Decretum illud refertur à Gratiano cap. *Hadrianus*, dist. 63, ex historia ecclesiastica, id est, ex Sigeberto: cuius sensus hic est: *Ut nisi a Rege laudetur & investiatur Episcopus, a ne-*

mine consecetur. Illustrissimus Cardinalis Baronius, ac post eum Binius, affirmant decretum illud suppositum fuisse à Sigeberto in gratiam Imperatoris Henrici, ut titulus legitimus videretur quæsitus ad propugnandum morem investiturarum, qui adversus Summos Pontifices usurpatus fuerat ab Imperatoribus. Quod decretum verò Papæ Leonis octavi, qui Privilegij ab Hadriano concessi mentionem facit, illudque renovat in gratiam Ottonis primi Imperatoris, contendunt illud quoque esse suppositum, ac præterea Leonem fuisse Ichnisticum. Transversos egit illos viros persuasio hæc, investituras non esse diversas ab electione, & jus illud esse quid extraordinarium. Attamen certissimum est Carolum magnum eo jure usum ante synodum illam Romanam. Vnde sequitur nihil in eo decreto novum esse præter juris illius extensio[n]em, nempe ut eo uti possit in regno Italiae, quemadmodum antea faciebat in provinciis regni Francici. Tum illud quoque novum conceditur, quòd Carolo potestas tribuitur eligendi Pontificem Romanum.

VII. Constitutiones quæ extant in Capitularibus Caroli, relatæ etiam in Decreto Gratiani, non derogant hujuscemodi concessionibus & investituris, ut visum est Cardinali Baronio: quoniam nihil aliud heic præcipitur quam ut electione cleri & plebis personæ idoneæ promoveantur ad episcopatus. Verum illud non impedit quin post electionem, & ante ordinationem, necessarius fuerit assensus regij, itemque concessio seu investitura.

Investitura porrò illæ, quæ effectus erant assensus regij, & concessio episcopatus, fiebant adhibitis quibusdam solennibus. Lex enim Salica, qua sola Rex utebatur, ceremonias quædam introduxit in quorūlibet fundorum traditione usurpandas; quæ in libris Capitularium vocantur *vestiture*, fiebantque per festucam, per ramos arborum, & alia similia. Quamobrem Reges nostri, quando episcopatum committebant electo, investituras illius ei dabant per baculum & annulum.

VIII. Hinc factum ut antiquus scriptor vitæ sancti Romani Episcopi Rothomagensis doceat eum circa annum D C X X I I I . baculum pastoralem accepisse à Clodoveo secundo Rege, statimque in sede pontificali institutum fuisse. Rex, inquit, convocatistam Episcopis quam Abbatibus, baculum illi contulit pastoralem. Intronizatur ergo pontifici apice. Par est existimare eadem solemnia adhibita in investituris Regum qui post

*Vide supra cap. 15.
§. 1.*

*Brun. ad. 77.
§. 13. &c. cap. 2.
11. 254. §. 24. 2.*

*Vide supra cap. 15.
§. 3. & 15.*

*Ex lib. Capit.
pt. Caroli. c.
Sanc. dñ. 15.*

V. 1.

& Imperij Lib. VIII. Cap. XIX. 427

hunc regnarunt. Illud sane certum est, Imperatores ante Gregorij septimi tempora eo iure usos fuisse, & tradidisse investituras per annulum & baculum, idque ante consecrationem, non solum in Germania, sed etiam in regno Italiae & in Arelateni, eoque jure in regnis suis usos esse Reges Franciæ & Angliae. Quare Matthæus Parisius refert Regem Edvardum, qui ante Gulielmum Conquestorem vivebat, virginem episcopalem dedisse Ulstano Vigorniensi Episcopo. Ivo autem Carnotensis Episcopus de se scribit in epistola octava sibi vim quodam modo factam ut episcopatum acciperet, Clericos ipsum Regi præsentasse, hunc verò sibi tradidisse pastoralem virginem: Cum Clericorum primò ingeno, inquit, postea violentia, Regi suis presentatus, & inde cum virga pastorali à Regem hibi intrusa ad Ecclesiam Carnotensem adiunctus.

X. At Gregorius septimus ferre non potuit hunc investiturarum usum, quod is Episcopos Principibus nimis obnoxios esse cogeret, atque adeo minus subiectos esse faceret apostolicæ sedi. Itaque illum deinceps prohibuit in variis Conciliis, arrepta occasione abusus Henrici quarti Imperatoris, quem fama erat investituras infamibus tantum personis dare, aut iis qui dato pretio illas emebant. Adnotat Vvillelmus Malmesburiensis primum omnium Gregorium septimum excommunicasse Episcopos electos, si à manu laïca investitura Ecclesiastarum acciperent per baculum & annulum.

Hic quod aly missitaverant, inquit, palam extulit, excommunicans electos qui investituras Ecclesiastarum de manu laici per annulum & baculum acciperent.

Diserta porrò sunt Gregorij verba in synodo Romana habita anno millesimo septuagesimo octavo. *Quoniam * investituras Ecclesiastarum, inquit, contra statuta sanctorum patrum à laïcis personis in multis partibus cognovimus fieri, & ex eo perturbationes plurimas oriiri, ex quibus religio Christiana concilatur, decernimus ut nullus Clericorum investituras episcopatus, abbatis, vel Ecclesie de manu Imperatoris vel Regis vel alicuius laice persone viri vel femine suscipiat. Quod si presumperit, recognoscat investitaram illam apostolica auctoritate irritam esse, & se usque ad condignam satisfactionem excommunicatum. Hæc prohibitus non solum adversus Episcopos, sed etiam adversus Reges, iterata est anno M L X X X. in Concilio Romano. Hæc sunt decreti verba: Si quis Imperatorum, Regum, Ducum, Marchionum, Comitum, vel quilibet secularium potentium, investitaram episcopatum vel alicuius ecclesiastice dignitatis dare presumperit, ejusdem*

sententie vinculo se obstrictum esse sciat.

X. Ratio autem una hujus prohibitionis hæc fuit, quoniam Principes contendebant episcopatum vi hujus investitura dari electo, cùm tamen auctoritas episcopalis non pendeat à Regum gratia. Nam Gregorius ob eam caufam, & ut odia univerlorum concitet adversus investituras, eas multo nominat *donum episcopatus*. Et haudubile formulæ harum concessionum iis verbis conceptæ erant, quemadmodum suprà adnotavi, ut viderentur Reges dare dignitatem episcopalem. Atque id eò magis probabile erat, quod illa investitura solennitas fieret per traditionem annuli & baculi. Baculus autem, signum erat auctoritatis pastoralis; ut inquit patres Concilij octavi adversus Photium in actione sexta: *Banthesor' est onus d'ies poenitentias.*

Altera prohibitionis Gregorianæ ratio petitur à statutis sanctorum patrum, ut aperte scribitur in ipso canone. Alludit autem ad canonem xxi. ejusdem Concilij octavi adversus Photium sub Hadriano secundo celebrati. Quod colligitur ex epistola ejus ad Hugonem Diensem Episcopum, Legatum suum; in qua ei præcipit ut synodum habeat apud urbem Lingonensem, in eoque conventu renovet prohibitiones factas Metropolitanis ne manus imponant eis qui donum episcopatus à laïcis acceperint, sub pena privationis suæ dignitatis, Potesstatibus verò qui hæc deinceps usurpabunt penam excommunicationis intenter, prout in

Concilio octavo statutum est. *Nullus Metropolitanorum, inquit, aut quisvis Episcoporum, alicui qui à laice persona donum episcopatus suscepit, ad confirmandum illum manum andeat imponere, nisi dignitatis sue honore officiisque carere ipse velit. Similiter etiam ut nulla potestas*

*Gregor. 7. lib. 4.
ep. 12.*

aut aliqua persona de hujusmodi honoris donatione vel acceptione ulterius se intrumittere debeat. Quod si presumpserit, eadem sententia & animadversionis censura quam beatus Hadrianus Pa-pa in octava synodo de hujusmodi presumptoribus statuit, se astrictum fore cognoscat. Canon porro secundus itemque vigesimus Concilij octavi, in versione Anastasi. Bibliothecarij, sanciunt juxta canones apostolicos neminem laicorum Principum vel potentum semet inserere electioni vel promotioni Patriarche vel Metropoli-tæ aut cuiuslibet Episcopi. At Ivo Carnotensis adnotavit canonem illum intelligendum esse de electione, non autem de concessione, aut investituris; ut ostendam inferius §. xiv.

XI. Nihilominus, spreta hac prohibitione, quæ adversus jura regia tentabatur, non solum Imperatores, sed etiam Reges

HHij

Tom. II.

Villelm. Mal-mib. de gellis
Reg. Anglor. in
Vvillelmo 1.

*Vetus codex MS.
S. Albinus Ande-gaeus habet iuxta
fuscam

Francorum & Anglorum, usum illum concedendarum investiturarum retinuerunt. Quod probatur ex regesto ejusdem Gregorij Papæ; qui Legatis suis præcepit ut cognitionem causæ suscipiant Episcopi Ambianensis, quem aliquot Episcopi consecraverant absente Metropolitano, postquam à manu laïca investituram receperat. qua manus laïca alia intelligi non potest præter Regem Francorum: *Et præserit fidem Ambianensis contra Romane synodi & apostolice sedis decretum de manu laici, nefanda ambitione, & temerario ausu, investituram suscipere præsumpsit.*

XII. Nam iussa illa Gregorij efficere non potuerunt ut Reges antiqua majestatis privilegia aboleri sinerent; & Episcopis reati amantibus persuaderi non poterat ut novitates illas prorsus amplecterentur. Intelligebant enim Gregorium, prætextu cuiusdam solennitatis & odiorum explicationis, Regibus adimere velle auctoritatem ipsi legitime quæsitam. Quo factum est ut ea tempestate Waltramus Episcopus Naumburgensis Tractatum de investituris scriperit: in quo concludit investituram à Regibus concedi ratione bonorum temporalium ad Ecclesias pertinentium, & parum referre an à Principe fiat verbo, diplomate, aut baculo quem præ manibus habuerit; quoniam Episcopus in die consecrationis suæ baculum & annulum ponit super altare, unde illos dein recipit tanquam ab auctoritate beati Petri. Quapropter cùm baculus ille congruat aliquatenus rebus temporalibus & spiritualibus, congruum esse ait ut investitura ante omnia concedatur à Rege, quod ea ratione tuta futura sint Episcopi bona adversus vim tyrannorum & raptorum. Nihil refert, inquit Vvaltramus, sive verbo, sive Precepto, sive baculo, sive alia re quam in manu renuerit, investias aut inthronizet Rex & Imperator Episcopum. Quia die consecrationis veniens, anulum & baculum ponit super altare, & in curam pastoralem singula accipit à stola & auctoritate sancti Petri. Sed congruum magis est quod per baculum, qui est temporalis & spiritualis, precedens investitura per Regem in fundis & rebus Ecclesie contra tyrannos & raptore quieta & pacificare reddit omnia.

XIII. Victor III. Gregorij successor eam prohibitionem renovavit anno M^lXXXVII. itemque Urbanus secundus in synodo Claramontana anno M^cCV. can. XV. Interdictum est ne Reges vel alij Principes aliquam investituram de ecclesiasticis honoribus faciant. Quoniam verò Concilium illud habitum fuit in Gallia, probabile est Gallos se primos omnium accommodasse ad voluntatem &

desiderium Urbani Papæ: qui cum Regis Philippi rationes non esse spernendas inteligeret, temperamentum invenit quo regia auctoritas conservaretur ac tamen prædecessorum suorum statuta manerent. Illud addiscemus ex epistola sexagesima Iovonis Episcopi Carnotensis, modo ea secundum verum ejus sensum accipiatur.

XIV. Scribens itaque Ivo ad Hugonem Archiepiscopum Lugdunensem sedis apostolica Legatum, qui Episcopo cuidam recens electo exprobrat quod à Rege acceptisset investituram episcopatus, hoc factum excusare nititur hac ratione. Distinguit enim electionem Episcoporum à concectione episcopatum quam Principes faciunt iis qui electi sunt. Tum facetur Concilium octavum prorsus arcuisse Principes à jure electionis, sed non prohibuisse quin illi concessionem episcopatum facere possint iis qui fuerint electi. Tantum autem abesse ut id sedes apostolica vertuerit ut etiam Summi Pontifices oraverint Reges nostros episcopatus concedere electis. Addit intellexisse le eam solum Urbano Papæ mentem fuisse in Concilio Claromontano, ut impidiret ne Reges darent investituram corporalem, id est, concessionem quæ siebat per baculum & annulum, quod ea fieri videtur in contemptum sacrorum. Quamquam Ivo nihil heic incommodum esse arbitrabatur; quod Reges non contenderent quicquam spirituale à se dari, sive illa concessio manu fieret, sive lingua, sive virga; sed ea tantum mente id ab eis usurpari ut constaret eos annuere votis eorum qui electionem peregerant, aut ut electis concederent bona quæ liberalitate Regum Ecclesie possidebant. Demum ait optandum esse ut aut supersedeatur hac controversia, aut mala hæc sopiantur. Hæc sunt ejus verba: *Cum hoc nullam vim sacramenti gerat in constitudo Episcopo, vel admissum vel omisum quid fidei, quid sacre religioni officiat ignoramus, cum post canonicas electionem Reges ipsos apostolica auctoritate à concessione episcopatum prohibitos minime videamus. Infra: Dominus quoque Papa Urbanus Reges tantum à corporali investitura excludit, quantum intelleximus, non ab electione, in quantum sunt caput populi, vel concessione: quamvis octava synodus solum prohibeat eos interesse electioni, non concessioni. Que concessio sive fiat manu, sive lingua, sive virga, quid refert, cùm Reges nihil spirituale se dare intendant, sed tantum aut votis potentium annuere, aut vietas ecclesiasticas & alia bona exteriora, quæ de munificentia Regum obtinent Ecclesie, ipsis electis concedere. Ut cunque se res habeat, appetit Iovem, cùm Papæ Urbani prohi-*

Vide Eadmerum lib. 4. hist. No- vor. pag. 94. & lib. 5. pag. 132. 133.

Vide canonem in- tegrum supra pag. 249. col. 2.

bitiones sic interpretatur ut solennitatem baculi & annuli vetitam esse pronuntiet, apparet, inquam, cum innuere Regem Franciæ Philippum eo temperamento adhibito paruisse decreto synodi Claromontanae. Id ipsum colligi potest ex eo quod Paschalis secundus in Galliam venit ut Ludovici Crafsi Regis præsidium imploraret adversus Henricum quintum Imperatorem, qui usum investiturarum acriter retinebat. Nam hic agendi modus omnino intempestivus & absurdus fuisset, si Ludovicus quoque tum temporis in ulti revocare solitus esset solennitatem investiturarum qua damnata erat à Papa Urbano, & de qua tum maximè disceptabatur inter Paschalem & Henricum. Sed præterea discimus ex epistola cxxxviii ejusdem Iovonis, schismatis quod in regno Germaniæ vigebat ob investituras, in Franciæ non fuisse. Sanè cùm usus solennitatis hujuscemodi desierit, par est existimare cessatum ab ea fuisse in consequentiam synodi Claromontanae.

Vide Hefloren
Scholastic. apud
Tengnagelium
pag. 319.

C A P V T X X .

Synopsis.

I. Investiturarum controversia recruduit sub Paschale secundo Papa & Henrico quinto Imperatore. Habitum ea de causa colloquium in urbe Catalaunensi; ubi iura Imperij magnifice differuit Archiepiscopus Treverensis, dicens Episcopum eligi non posse absque consensu Imperatoris, deinde vero Regalia ab eo accipere debere.

II. Respondit Paschalis Ecclesiam fore serviliter subiectam Imperatori si Prælatum absque consilio ejus eligere non possit, mortem vero Iesu Christi irritam esse Episcopus investitur per baculum & annulum.

III. Cum Henricus Italiam bello peteret, Paschalis præcepit ut Episcopi Regalia Imperatori dimittantur, ipse vero renuntiet iuri investitura & liberas esse finas Episcoporum electiones.

IV. Tandem urgentibus Romanam urbem fatis, Paschalis in carcere ab Henrico conatus, privilegium investiturarum ei concedere adaliss est. Ex verbis hujus privilegii colliguntur quid juris antea competit Principibus.

V. Privilegium illud vocatum est pravilegium in Concilio Lateranensi. Disputatum est tempore an pertinacia illa propagandarum investiturarum heresis esset. Referunt sententia Iovonis Carnotensis, qui heresim esse negat.

VI. Ioannes Archiepiscopus Lugdunensis aiebat investituram exteriorem definire posse in heresim, si quis pertinaciter contendat eam à laico concedi possit.

VII. Goffridus Vindocinensis distinguunt investitutram per annulum & virgam ab ea quam laici faciebant absque illa solennitate. Investitutram tamen à Principe dandam non esse nisi post electionem & consecrationem. Quod inventum est à Goffrido adversus vestram confundendum.

ADDITIO.] Datur nova editio Concilij Lateranensis à Paschale secundo celebrati.

I. INVESTITURARUM controversia isthac duravit tota integra inter Paschalem secundum Urbani successorem & Henricum quintum Imperatorem. Antequam tamen res in apertum dissidium erumperet, colloquium Rege Francorum Ludovico præsente habitum est anno MCVI. in urbe Catalaunensi inter Summum Pontificem & Legatos Imperatoris. Treverensis Archiepiscopus differuit jam inde à tempore Gregorij magni jus Imperij circa electiones Episcoporum in eo versari ut antè quam electio publicetur, secretò Imperator admoneatur quisnam electus sit, Imperatorem vero assensum suum adhibere si persona electa ei grata sit. Post quæ, electio fit publicè a clero, & electus consecratur. Post consecrationem autem reddit ad Imperatorem pro Regalibus, quibus ab eo donatur sive investitur per traditionem annuli & baculi, Imperator vero ab eo recipit homagium & jumentum fidelitatis. Quod omnino aequum esset hic Archiepiscopus. Neque enim debere electum alia ratione occupare civitates, castella, marchias, telonea, & cetera jura imperialia. Rem gestam narrat his verbis Sugerius in vita Ludovi Grossi: *Consecratum ad Dominum Imperatorem pro Regalibus, ut anulo & virga investiatur, redire, fidelitatem & hominum facere. Nec mirum. Etenim civitates & castella, marchias, telonea, & queque imperatoris dignitatis nullo modo aliter debet occupare.*

II. Papa vero respondit Ecclesiam, quæ pretioso sanguine Iesu Christi redempta, libera facta fuerat, ancillari deinceps non debere aut ad servitutem redigi. Ecclesiam porrò, si Prælatum eligere non possit absque consilio Imperatoris, Imperatori fore subiectam serviliter, ac mortem Iesu Christi irritam & inutiliem esse si Episcopus investiatur per baculum & annulum. Cùm enim res illæ ad altaria pertineant, usurpationem hanc esse adversus Deum. Demum Prælatos suo ordini & sacrae unctioni derogare si manus suas, quæ dominico corpori & sanguini atrectandis destinatae sunt, sanguinolentis laici manibus supponant, ut sponcionem ei faciant fidei. Si Ecclesia, inquit Paschalis Papa apud Sugerium, eo inconsulto Prælatum eligere non possit, cassata Christi morte, ei serviliter subiaceat, si virga & annulo investiatur, cùm ad altaria ejusmodi pertineant, contra Deum usurpare, si sacras dominico corpori & sanguini manibus gladio sanguinolentis obligando supponunt, ordinis suo & sacrae unctioni derogare.

III. Cùm itaque parum ad concordiam HH h. ij

Sugerius pag. 189.
Vide initia cap. II.